

**Nwa' wvu fwe wvu**  
**Bitá**  
**Fiε fi nu ê Nwa' Bitá wvu fwe**  
**wvun e**

Nwa' Bitá wvu fwe wvun nu ε wvú to saŋ fô bonyii bo Klistu le bò to nu ε saan̄ken gen no cee mondvuum e jεy jεy (1:1). Fiε fi baay fi to geε é wvú sε saŋ nwa' wvun to nu keetefe bonyii ban no bonyii to bone bikaa ê bó ejim e, ε bó yene bon̄gew nje fitele fi bó lese yî Klistu le. Keetefe bó non̄en, ε Bitá mum kume bó ekumε saaka wvù jee wvu ekumε Jisos Klistu wvù kpwe ye bô mbuy we yî kpwe le noo nkawma we le wen nu ke ekase eto, nu fiε fi bó etaalè fwe ε bó ε geε bvufee yî dvú le.

*Bikuu bi mwεem e ê nwa' wvun e*

1:1-2 Keŋkεwce

1:3-12 Keekume no Nyo' boysee bonyii

1:13-2:10 Ntefe ekumε keecee nce wvù yuule

2:11-4:19 No è nulo é wee Klistu ejoð bon̄gew bò wvú yene

5:1-11 No è nulo é wee Klistu eshiwsè ekolε kew bvuu lemte ten fô bonyii le

5:12-14 Kemεse

<sup>1</sup> Nwa' wvun saŋ me wvù Bitá waa ntum Jisos Klistu. E me nsan̄ fô bonyii bò Nyo' nu ε caw le è nu bew e bò nu ε saan̄ken ε no nu biba bi Bontus bô Galëshia noo Kafadosia noo Esia noo Bitinia le.

<sup>2</sup> Nyo' Icee wesebeene to caw ben no wvú to seyseεε wase ε è bæε lo εé fí nu ke enù. Ε Keyoy kew mum seyse ben gεεε le ben eyuukè Jisos Klistu wvù nu ε cukε ben bô ελεμεε kew e. Nyo' ebuw ben bô kembonεn naa ntay ebvuu enya ben bô mvuntelem mvù læεtene naa ntay.

*Beene cee taale kε wase ε è nu fwe*

<sup>3</sup> Mbense enù fô Nyo' le wvù nu Nyo' Tata wesebeene wvù Jisos Klistu bvuu nu Ice. Wvú nu ε cam shen fô beene le baay, ε boo beene ê mboo wvu fwε le no Jisos Klistu to buyεε yî kpwe le. Fifin nu ε ge beene ε no cee keseen taale kε wase ε è nu fwe,

<sup>4</sup> keeke edie bvushεw bvù wvú nu ε gεε ê beene won wvu we le. Bvushεw bvun nu bvù yaa nulo efo, kεnεε ebefe, kεnεε ekpwe ncom kε.

<sup>5</sup> Nyo' gemgeme ben bô mvunɔgay mwew fele yî fitele fí ben nu ε lese yî ye le ε no cεyte mboyma wvù nu ke eyenε diuu di fokemεse le.

<sup>6</sup> No ben kee nonεn, ε mum ε no yuuke njon. Geenεn ε ben kεnke kε keeyuuke nsase yî kefew e caan nje mmom yì too fô ben e jé le jé le.

<sup>7</sup> Yí too keemom laa fitele finεn fí ben lese yî Nyo' le tεmyi kε ntay ε. Kε naa ketwaa ke bigew e kè yεεle nu ε bó ké mom bô nɔguy, ε ketwaa kin nu fiεε ε fí nulo ebefe, tu è nulo é bó emom kε tεn fitele fí ben lese yî Nyo' le. Ε fitele fin nu fiεε ε fí fele ketwaa ke bigew e kè yεεle. Nonεn, é ke edioo enu diuu di Jisos Klistu nu ke edunεε ekolε kew, é bó ebensee ben, tumte monkum monεn, wvumte ben.

<sup>8</sup> Keseen nu ε ben kooηke Jisos Klistu ε ben ke baa cim yen wase wvú le κε, ε ben ε lese fitele yî ye le, yaa yene wvú le κε. Ben ε mum ε no yuuke njoη naa wvu baay wvù è nulo wee saa esee κε,

<sup>9</sup> njefo ben kee le no ben nu ε lese fitele yî ye le nu ε Nyo' nu ke eboyse ben.

<sup>10</sup> Bonyii bo ntum Nyo' le bò to jemyi ekumε mbuwma wvù Nyo' to nu keeke ebuw ben dvú to nu ε no temte, gomte keekiεε ekumε mboyma wvun.

<sup>11</sup> Keyoy ke Klistu le to nu yî bó le no bó to teete le Klistu nu ke eyen ηgew é ke edioo enu ejim jodvu, é wvú ekeηke bvukuke. E bó mum no gomte keekiεε kefew kè mwεεm mvudvu nu ke ekooy, bô je yî mvú nu ke eghan se kooy jó le.

<sup>12</sup> E Nyo' mum ge ε bó kiεε le mwεεm mvù bó to jemyi mvun nu ε bó yaa jemyi ε è nu fô bikuu bibole κε, le mvú nu fô ben e. E nu mvú mvù ben to yuwεε dew bonyii bò to fewcεε saaka wvù jee wvù wvu Nyo' ê ben ê mvungay mvu Keyoy ke Yuule kè Nyo' to ciinsεε ε kí to fowe le. Mvun nu mwεεm ε naa bonceendaa bo Nyo' le beele keekiεε mvú.

### *Bonyii bo Nyo' le eyuulè yî gee dibole*

<sup>13</sup> No fí nu nonen, ben ekay bicaw binen enù ε ben ε seyse bvufee bvunen. Ben ekemsenè bô bikuu binen, taalè κε fwe ε è nu yî mbuwma wvù nu ke eto fô ben e seke Jisos Klistu ε kase ε duηce ekole kew e.

14 Ben eyuukè ke Nyo' le diewe boom bew e. Fo ben ebvuu egeè mwεem bii nyam ye le no ben to shee gee seke ben to bεε kenjiwe le ke.

15 Nyo' wvù to cawεε ben nu ε wvù yuule. Ben tεn eyuulè yî gee dinen e dicii,

16 no fí nu ε bó ε saη ε,

“Ben eyuulè njefo me n'yuule lo.”

17 No ben teηe Nyo' le Icee wene, ε wvù nu wee wvù saake wee tfuu yî gee diew e yaa duηci keηεy ηεy ke, tu ben keηke keecee nce wene tfuu bô nfan wvù wvu Nyo' yî kefew e kecii kè ben nu yî won wvun e ke diewe botolo le.

18 Ke ben kee le Nyo' to nu ε sum wase ben yî nce wvu εcici wvù bo'icee bonen to kuusεε ben dvù, ε ke wvù to sum ε è nu bô fiεε diewe bigew e bì nulo ebefe ke.

19 Wvù to sum ε è nu bô εlemε ke Klistu le kè yaa nu ke fiεε fi ncew, kè nu diewe ke waa njee kentaηe le wvù yaa keηke nlom kenεε fiεε fimew fi befe yî dvù le ke.

20 Nyo' to seyse wvù ε è bεε lo ε won se ke kew, ε duηce wvù εdiuw yo fokemεse εyan e nje yene.

21 E ge Klistu ben ε se lese fitele yî Nyo' wvù to bvusεε wvù yî kpwe le nya wvù bô bvukuke le. No wvù ge nonen, mvuntelem mvunen bô bonkpawce bonen ε mum ε no nu ε ben ε gεε yî Nyo' le.

---

**1:14** Lum 12:2; Efe 2:3; 4:17-18      **1:15** Lew 19:2      **1:16** Lew 11:44-45      **1:17** Yesa 63:16; Yeli 3:19; Mat 6:9; 16:27; Lum 2:6; Jem 2:1; 1Bi 4:5      **1:18** Mat 20:28; 1Kol 7:23; 6:20      **1:19** 1:1-2; Jon 1:29; Lem 20:28; 1Kol 5:7; Efe 1:7; Ibu 9:12      **1:20** Efe 1:4      **1:21** 5:1; Lum 5:2

<sup>22</sup> No ben yuuke kecéey e, ε kí gee ε mvuntelem mvunen yuule wvu le ben ekeηkè keηkoηen fô boom bo bwee wene le ε è nu ke kecéey, ben emum ekoηenè ke nonen bô mvuntelem mvunen mvunciim.

<sup>23</sup> Ben ekoηenè nonen, njefo bó nu ε kase wase ε boo ben ê mboo wvu fwε le. Ke wee wvù boke ben wvun nu wvù nulo ekpwe ke. E nu Nyo' keβεε ε wvú yaa nulo ekpwe ke. Wvú to boke ben ε è nu bô diεw ye yì nyaa nshii. E diεw yin nu ke emey ke eleeme fô.

<sup>24</sup> Fí nu no bó saη ê Nwa' Nyo' le le,  
 “Wee wvu wum tfuu nu ke diεwε εgay e,  
 ε bvujonke bwew nu ke diεwε fow e.  
 Egay ké no yowlene, ε fow ten yeete,

<sup>25</sup> geenε ε diεw Tata nu ke eleeme ke fô sekecii.”  
 Diεw yidvu yin nu saaka wvù jee wvù wvu Nyo' wvù bó to fewcéε ê ben.

## 2

### *Ekume Tε di keηke nshii noo ketum kè yuule*

<sup>1</sup> Fí ε mum ε no nu le, ben ecinε mvuntelem mvù befe le, ecinε kenleεema noo díεw fiεε le, ecinε kendoη ke benεen noo mvujkunsen e.

<sup>2</sup> Ben ekeηkè shiee fô emben yo ê keyoy e yò è nu diεw Nyo' eyinεyin e, ke leηleη no wan wvu caan ké no keηke fô emben e, wvu le yí egeè ε ben kuu gene fwe yí mboyma wene le,

<sup>3</sup> no ben nu ε yen wase le Tata taale fô ben e.

---

**1:22** 2:17; 3:8; 4:8; Lum 12:9; Gal 6:10; 2Bi 1:7; 1Jon 4:11 **1:23**  
 Jon 1:13; Ibu 4:12; Jem 1:18 **1:24** Yεsa 40:6-8; Jem 1:10-11 **1:25**  
 Yεsa 40:6-9 **2:1** Efe 4:25; Jem 1:21; 4:11 **2:2** 1Kol 3:2 **2:3**  
 Mben 34:8

<sup>4</sup> Ben etoò fô Tata le wvù nu tε ε dí κειke nshii, ε bonyii to tun le κε dí jee κε, geenεn ε Nyo' caw fiew le è nu di kenlum e fô wen e.

<sup>5</sup> Ben nu diεwε εta yò κειke ten nshii le ε Nyo' bomte yew Keyoy kew dvú, ε ben nu ηgoο bocee ncese bew bò yuule, gee boncese bo ê keyoy e fô wvú le bò wvú koonke nje Jisos Klistu.

<sup>6</sup> Fí nu ê Nwa' Nyo' le le,  
 “Ben etaa eyen, me ηγεεle tε ê kelaante kè Sayon e,  
 \*

ε è nu tε di buu di yew e.

Ξ nu tε ε è caw me, ε me ηkoonke dí baay.

Tε din nu ε κε wee lese fitele yî ye le é wvú ke ewuumεn κε.”

<sup>7</sup> Fô ben bò nu ε lese fitele yî ye le nu ε tε din jee fô ben e. Geenεn fô bonyii bò baa lese fitele yî ye le nu ε fí nu fô bó le no bó to saηεε ê Nwa' Nyo' le le,

“Tε didvu din di bonyii bo kembom e to tunεε  
 nu ε nε wase ε tu di bó ebom naa ε è nu buu di  
 yew e dvú.”

<sup>8</sup> Ξ fí bvuu nu ε bó ε saη le,

“Tε din nu ke egee ε bonyii baytene yî dvú le.

Ξ nu kemaan ε kí nu ke egee ε bonyii gbwekene.”

Bó baytene yî dvú le njefo bó nu ε tun keebεε diεw Nyo' le, ε è nu no Nyo' to seysεε wase le fí nu ke enu.

<sup>9</sup> Geenεn, ben nu finεn kfuu ε è caw Nyo' ben. Ben nu ηgoο bocee ncese bò lemte Nfon e. Ben nu

**2:4** Mben 118:22; Yεsa 28:16    **2:5** 2:9; Lum 12:1; Εfe 2:21-22    **2:6**

Yεsa 28:16; Lum 9:33    \* **2:6** Sayon nu diee di kelaante kè Jεlusalεm e.    **2:7** Mben 118:22; Mat 21:42; Lem 4:11    **2:8** Yεsa 8:14-15; Lum 9:33    **2:9** 1:2; Ksm 19:5-6; Lew 19:2; Dito 4:20; 7:6; 14:2; Yεsa 9:1; 43:21; 61:6; Lem 26:18; Lum 5:17; 2Kol 4:6; Εfe 5:8; Tay 2:14; Ibu 13:12; 1Bi 2:5; Mwm 1:6; 20:4

ketum kè yuule, nu bonyii bò Nyo' nu ε ge le è nu naa bew, le ben esenè mwεεm mvù jee mvù wvú gee. Wvú nu ε tee ben, ben ε buy ê εjiwε le, ε ley ê n'yuú we wvu baay e.

<sup>10</sup> ε to nu fwele ε ben yaa nu bonyii kε, keseen ben ε no nu wase bonyii bo Nyo' le. Nyo' to baa cam shen fô ben e fwele kε, keseen nu ε wvú ε cam wase shen fô ben e.

*Bonyii bo Nyo' le edunçi kenje kè jee entelen jo bonyii bocii*

<sup>11</sup> Nsáa yεm shém, ben ekeè le ben nu botolo yí nshε le fεn fele lo je. Me ε mum ε no nlooci nkule lo can ê ben le fo ben egeè mwεεm mvù nyam ye shieele kε, njefo mwεεm mvumvun diuu bô biyoy binεn.

<sup>12</sup> Ben edunçi kenje kè jee entelen jo bonyii bò yaa kee kε Nyo' wvu le é bó cim jemýi εkumε ben le ben befe lo, é bó eyεnè kenje kenεn kè jee le, é ke edioo enu diuu ði Nyo' ε to, é bó etumte monkum mew.

<sup>13</sup> Ben eyuukè wee tfuu wvú bó nu ε gεε le wvú esaakè bonyii le no ben nu bonyii bo Tata le. Ben eyuukè Nfon wvu Lum wvú nu Nfon wvu baay e,

<sup>14</sup> eyuukè naa bonyii bò wvú nu ε gεε le bó esaaké biba bi woj e leese bonyii bò gee mwεεm mvù befe ηgew e bensee bò gee mwεεm mvu len e.

<sup>15</sup> Nyo' gomte le ben egeè mwεεm mvu len, emum ebaanke dew biyuj bi bonyii le bò jemýi mwεεm ncewncew.

<sup>16</sup> Ben eceè ðiεε bonyii bò bó nu ε bvuse wase

---

**2:10** Os 2:23; Lum 9:25  
17-23; Gal 5:17; Ibu 13:14

**2:11** 1:1, 17; Mben 39:12; Lum 7:15,  
**2:12** Yεsa 10:3; Mat 5:16; 2Kol 5:10

**2:13** Lum 13:1-7; Tay 3:1  
5:13

**2:15** 3:16      **2:16** 1Kol 6:11, 19-20; Gal

bó bvunfaw e, geenɛn fo ben emum ejòð fifiɛ tɛɛke fojise gee bibefɛ kɛ. Ben eceè ɛ è nu díɛwɛ bonfaw bo Nyo' le.

17 Ben ewvumtè bonyii bocii, koonkè boom bo bwee wene le bo mbee le bocii, fanè Nyo', wvumtè Nfon wvu Lum wvù nu Nfon wvu baay.

*Bonyii bo Nyo' le ejòð kenfewsɛn yî ngɛw Klistu le*

18 Bonyii bò lemte bomew e, ben eyuukè bonyii bò ben nu ê bó ɛkuse le, wvumtè bó ntay. Fo ben eyuukè kɛ ɛ è nu bò nu nyɛkeey taale fô ben e kɛ. Ben ewvumtè tɛn bò befe kenje le.

19 Me njemyi nen njefo Nyo' ké no yuuke njonj bô wee wvù bó nyɛwle bô wvù ɛ wvù yuuke nsase sɛ wvù nu ɛ jay fiɛɛ, geenɛn kuule kɛ shém njefo wvù nu ɛ gɛɛ bvufee yî Nyo' le.

20 Ɛ bó suunke wee ɛ wvù ɛ jay fiɛɛ, wvù ɛ no kuule shém, é sɛw wvudvu enu la? Geenɛn, é wee yene ngɛw ɛ è nu yî fiɛɛ fi jee le ɛ wvù ɛ ge, wvù ɛ no kuule shém, é Nyo' eyuuke njonj bô wvù.

21 Ɛ nu bvudvuu bvunen keeyene ngɛw nonɛn, njefo Klistu tɛn to nu ɛ yen ngɛw nje yene, duɲɔɔ kenfewsɛn ê ben ɛ ben ejo ɛkalɛ kew.

22 “Wvù to ke baa yuu ge naa lo kebefɛ kɛ, ɛ kɛ díɛw fiɛɛ to ké no ɛ yuu buy diuw we le kɛ.”

23 Seke bó to nan'yi wvù, wvù to baa tfuse kɛ. Ɛ bó dioo njinɲene bô wvù, wvù saa sɛwci kɛ, geenɛn nya fiɛɛ ficii ɛ è nu can Nyo' le wvù kee keesaw nsaw ɛɲ.

---

**2:17** 1:22; 3:16; Bɲgn 24:21; Mat 22:21; Gal 6:10; Fili 2:12      **2:18** Ɛfɛ 5:21-6:9      **2:18** Ɛfɛ 6:5-8      **2:19** 5:12      **2:20** 4:14      **2:21** Mat 16:24; 20:26-28; Jon 13:15; Lum 15:5      **2:22** Yɛsa 53:9; Jon 8:46; Ibu 4:15      **2:23** 3:9; Yɛsa 53:7; Mat 26:55-56, 67; 27:14, 27-31



24 Wvú to nu ε tfuse bibefe bisεεbeene ε bí tu yí ye le yí kentam e. Wvú to ge nonεn, wvu le beene ekpwe ê keba ke kebefε le, eceè nce wvu teytey. Bilεmte bì wvú to keηκεε nu ε ge wase beene ε bonεn.

25 Ben to shee njimte diεwε njée le, geenεn ke-seen ben ε kase wase ε to fô Wee wvù Cεyε bvuu Taale fô biyoy binεn e.

### 3

#### *No kpwoon bô diemsεn nulo ecee*

1 Boke' bo bonyii le, ben tεn eyuukè bole' bonεn e. Ε ben gee nonεn, ε wee mvu bó le nu ε wvú tune keebee diεw Nyo' le, é wvú ke enε ebee ε wee baa cim jeme diεw ê wvú κε, ε è ge keηγε ke kpwεse le,

2 no wvú yεne ε wvú wvumte εkolε kew, cee nce wvù yuule.

3 Fo fiεε fi duηci bvujonκε bvunεn enù mwεεm mvu ye le diεwε keeseyse yvuw εkolε ε yí jee, bô keejiise biεε, noo keesuute ye bô ndvú yí jee κε.

4 Fiεε fi eduηci bvujonκε bvu wee le enù fiεε fi wee nu fô fitele fiew e, ε è nu fitele fi bonene nu nyεkeey. Ke bvun bvujonκε ke yvumεn κε, ε è nu bvù Nyo' koonκε ntaγ.

5 Ε nεε no bokεnε bô yuule bo fwele bô to nu ε geeε bvufee bvubole yí Nyo' le to ké no duηci bvubole bvujonκε. Bó to yuuke tεn bole' bobole.

6 Wee diεwε Sεla le to yuuke Abla'am e teηe wvú le tata wen. Ben tεn nu boom bo Sεla le fεn é ben gee mwεεm mvu leη yaa fane fiεε κε.

---

**2:24** Yesa 53:4-5; Lum 6:2, 11; Kolo 2:14; Ibu 9:28      **2:25** Yesa 53:5-6; Esek 34:5-6; Mat 9:36; Jon 10:16; Ibu 13:20      **3:1** 1Kol 7:16; Efε 5:22-24      **3:3** 1Tim 2:9

<sup>7</sup> Bolemsε, ben tεn ekiεε je yì ben keηke keecee ben ε bokε' bonεn jó. Ben enyaà n'wvum ê bó no bó baa keηke mvunγay diεwε ben e κε. Nyo' nu ε buw ben ε bó bocii bô nshii wvù mey lo. Ben eceè nonεn, wvu le fô fiεε ebaanke bunle yene κε.

<sup>8</sup> Keemεεse, me ε no nteete ben bocii ε, ben ekεηkè fitele fimwaan, keηkè shen fô bonyii le, keηkè keηkonεn ke bonyii bo mbee le, keηkè mvuntelem mvù jee, ε wee yaa joo κε wee mvu εkuse κε.

<sup>9</sup> Fo wee é ge kebefε bô wee, é wvú tfuse bô kebefε κε. ε wee nan wee, fo wvú etfuse bô ncun κε, ε wvú tfuse ε è nu bô diεw kembonεn. Fin nu fiεε fi Nyo' teηe ben ε ben egeè é wen ke elan kembonεn yì yene le.

<sup>10</sup> ε nu no bó nu ε san ε,  
 “ε wee koonke keeyuw njon yì nshii we le,  
 bô keeyεn εdiuw yò jee le,  
 é wvú no kemsene bô leme diεw,  
 ε díεw fiεε yaa buyte diuw we le κε.

<sup>11</sup> Wvú keηke keebaηke jim ê mwεεm mvù befe le,  
 egeè ε è nu mvù jee, ekunεnè nyεkeey biì dvú le,

<sup>12</sup> njefo Tata Nyo' ké no yene bonyii bo teyey e  
 yuuke bunle yibo.

Geenεn ε Nyo' ε bon jise yì bonyii bò gee bibefε le.”

<sup>13</sup> ε ben keηke shiee wvu baay keegeε mwεεm mvù jee nonεn, tu wee wvù nulo ebvuu ege fiεε fi befe bô ben nu yεε?

<sup>14</sup> Geenεn, é bonyii cim nyaa lo ηγεw ê ben njefo ben gee mwεεm mvu teyey, tu Nyo' nu ke elan

kembonen yî yene le. “Fo ben efanè bó, kenεε fo mvuntelem ebuukè ben ke.”

<sup>15</sup> Ben ewvumtè ε è nu Klistu ê mvuntelem mvunen e diεwε Tata wene le. Ben eseyse bikuu binen, ecεytè keenya ntfuse ê wee wvù nu ebife fiεε fi ben taale fwe yî dvú le. Geenεn ben dioo tfuuse, no tfuuse nyεkeey bô n'wvum.

<sup>16</sup> Fo ben egeè fiεε fi nelo esaake ben fô fitele le ke, wvu le é bó nan'yi ben, jemyi díεw yì befε εκumε kenγε kenεn kè jee nje ben nu bonyii bo Klistu le, é bó ewuumene.

<sup>17</sup> Ben ekeè le fí jee keeyεn ηγεw nje fiεε fi jee fi ben ge ε è fen nu le Nyo' koonke le fí enù nonεn, εfey keeyεn ηγεw yî fiεε fi befε le fi ben ge.

<sup>18</sup> ε nu ke ten no Klistu to yenεε ηγεw kpwe. Wvú to kpwe nje bibefε bi bonyii le kaη mwaan ε fí ka lo nonεn. Wvú wvù to nu wee wvu teyey to nu ε kpwe fô bonyii bò yaa nu ke teyey e keeto bô beene fô Nyo' le. Bó to nu ε yu wvú ε è kpwe nyam ye, geenεn ε Nyo' ge ε wvú no nu dvú ê keyoy e.

<sup>19</sup> ε nu ê keyoy kin e wvù wvú to γενεε fewcε diεw Nyo' ê biyoy bì nu yew ncaw e.

<sup>20</sup> Biyoy bin nu bì to baa bee Nyo' le kefew ke Noa' le ke. Nyo' to nu ε bosεn kuu shém bô bí, cey seke Noa' to keenci ηguw. Nguw wvun nu ε bonyii to ley jó ke wee nyan maan, ε è nu bó bò to boyεε can joo le.

<sup>21</sup> Joo yidvu yin nu diεwε joo yì bó leese bonyii jó keseen ε yì boysee bó bô mvunγay mvù Jisos Klistu to buyεε dvú yî kpwe le. Ke bó leese wee ê joo le

bó cuke ε è nu yile yî ye le κε. Ε nu keeleκε Nyo' bô fitele fî yuule.

<sup>22</sup> Jisos Klistu wvun to nu ε ben fowe, shii ê εbo ke εεεy ke Nyo' le, ε no nu fó saake bonceendaa bo Nyo' le bô biyoy bì κεηκε mvunḡay noo bì saake bicii.

## 4

### *Nce bonyii bo Nyo' le nu wvu fwε*

<sup>1</sup> No Klistu to nu ε yεη ηḡεw yî nyam ye le, ben tεη eκεηκε kfuu fifiε fitele fî wvú to κεηκε keeyεη tεη ηḡεw, ekumyî λε wee wvù nu ε yεη wase ηḡεw yî nyam ye le nu ε bô kebefε ε ka wase.

<sup>2</sup> Nonεη, κε wvú bεε ebvuu eceè nce we fokuse fεη bii mwεεm mvù nyam ye gomte le κε. Wvú nu eceè bii wase ε è nu mwεεm mvù Nyo' gomte le.

<sup>3</sup> Ben ekeè λε kefew kè ben to shee gee mwεεm diεwε bonyii bô yaa kee κε Nyo' le nu ε kí ε fey wase. Ben to cee nce nnyεη kenjaη, bii ye yene yî ηεyte le, wuu mbvuum ε mó koole, gee boηkaw diekene, wukene yole fó gee diεwε bwé le. Ε ben to bvuu bunlee tεη bonyo' bo εcici, ε Nyo' to tun wase.

<sup>4</sup> Keseen diuw ε no yumte bonyii bô yaa kee κε Nyo' no ben baa bvuu taashi ηḡoo ben ε bó yî nce wvun wvù nu diεwε wvu nyám e, bó mum ε banke ye ε no nan'yi ben.

<sup>5</sup> Geenεη, bó nu ke eleem etaje diuw fwe dvu Nyo' wvù cεyte keesaw bonyii bô bεε dvú bô bô kpweκεη wase le.

---

**3:22** Lem 1:9; Εfe 1:21; Mat 22:44; Lum 8:34; Lem 2:33    **4:1** 2:24; 2Kol 4:10; Gal 5:24    **4:2** 2:21    **4:3** Gal 5:19-21; Εfe 2:3; Tay 3:3  
**4:5** 1:17; 2Tim 4:1

<sup>6</sup> Ɛ nu fiεε fi to geε é bó se fewceε ten saaka wvù jee wvù wvu Nyo' ê bonyii bò nu ε kpweken wase. Bó to fewci nonen wvu le no bó nu ε bó to cim saw wase bó yí nyam ye le diεweε bonyii bo boyuum e, é bó eceè ke nce wvu ê keyoy e ε wvú nu diεweε no Nyo' cee.

*Wee elemtè bô nnya ye é je yí jee le*

<sup>7</sup> Ben ekeè le kefew kè fiεε ficii nu ke eka too wase nceencee. Nonen, ben enù ke bô bvufee bvunen fó, kemsenè bô bikuu binen, wvu le ben ebunleè.

<sup>8</sup> Fiεε fi fele mwεεm mvunciim nu ke le wee ekoonkè waa bwee bô fitele fiew ficii njefo kenkonen ké no banyi bibefe nteen.

<sup>9</sup> Ɛ waa bwee wee la ghane é wvú le, é wvú fiisen wvú, taa fô wvú le yaa wvukene ke.

<sup>10</sup> No ben nu ε Nyo' ε buw ben bô nnya jεεy jεεy, wee ejòd ye nnya lemte dvú fô bonyii bomew e. Ben elemtè bô mbuwma wvun wvù Nyo' nya jé le jé le diεweε bonyii bo lemme le bò jee.

<sup>11</sup> Ɛ wee fewci diεw Nyo', é wvú no fewci ke ε è nu diεw yí buy diuw Nyo' le. Wee é no lemte fô bonyii bomew e, é wvú no lemte ke ε è nu bô mvunɔgay mvù Nyo' nya é wvú le. Ben egeè nonen wvu le yí fiεε ficii fi ben gee le, é mbense egeè fô Nyo' le fele yí Jisos Klistu le. Bvukuke bô mvunɔgay mvunciim nu ε è kenke wvú sekecii se ηka. Fí enù nonen.

*Keeyene ηgew diεweε bonyii bo Klistu le*

<sup>12</sup> Nsáa yεm shém, fo ben ekenke ηghaw yí nton'ye wvù ben yuuke ye le wvù too fô ben e keemom ben

ke. Fo fí enù ke diewe è nu fiεε fimew fifε ε fí kooyi bô ben ke.

<sup>13</sup> Ben elanlanè lo le ben yene ηgew diewe no Klistu to yεεε wvu le é ke edioo enu seke wvú ε buynen bô bvukuke bwew, é ben ebvuu elanlanε, yuuke njon.

<sup>14</sup> Ε bonyii nan'yi ben nje diee di Klistu le, tu njon wvu baay nu wene. Fifin duñci le Keyoy ke bvukuke le kè è nu Keyoy ke Nyo' le nu yí yene le.

<sup>15</sup> Ε wee yene ηgew, fo wvú eyenè njefo wvú nu ε yu wee, kenεε le wvú nu ε con fiεε kenεε ε ge fiεε fimew fí befε, kenεε le wvú nu ε lese diuw fô mwεεm mvu bonyii bomew e ke.

<sup>16</sup> Geenεn, é wee yene ηgew njefo bó teje wvú le wee Klistu, fo wvú ewuumenè ke. Ε wvú no bensee ε è nu Nyo' le wen keñke didiε diee.

<sup>17</sup> Ben egeè nonεn njefo kefew nu ε to wase kè Nyo' nu esaw bonyii, ε wvú nu ekεw ε è nu bô yew ye. Ε wvú kεw ε è nu bô beene nonεn, é fí ke enu nεε bô bonyii bô nu ε tun keebee saaka wvù jee wvù wvu Nyo' le?

<sup>18</sup> Bó nu ε san ê Nwa' Nyo' le ε,  
“Ε fí tεmyi fô wee wvu teytey e keeboy,  
é fí ke enu nεε bô wee wvù tune Nyo', gee bibefe  
le?”

<sup>19</sup> Nonεn, bonyii bô yene ηgew no Nyo' gomte le bó eyenè, egeè mwεεm ε è nu mvu leñ, geele bikuu bibole can Nyo' Mbom e wvù ké no leeme ke yí ηkawma we le.

---

**4:13** 5:1; 2Kol 4:10; Lum 5:2    **4:14** 2:20; 3:14; Mat 5:10-12; Mak 13:11; Lem 7:55    **4:16** 2Tim 1:8    **4:17** Yeli 25:29; Esek 9:6; 2Tεs 1:8    **4:18** Bñgn 11:31    **4:19** Mben 31:5

## 5

*Ekume njée Nyo'*

<sup>1</sup> Me ε mum ε no ηgomte keentefe bocee kentaashε ke bonyii bo mbee le ê ben εντελεη. Me nu wee ê ηgoo bocee kentaashε le, ε me nto n'yεν bô ejise yem no Klistu to yενεε ηγεω, ε me nu ten wee wvù nu ke eley bvukuke bvù wvù nu ke eto dvù le.

<sup>2</sup> Me ε no nteete le, ben etaalè fô njée Nyo' yì bó nu ε γεε can yene le ntay. Fo ben dioo taale, no taale ke diεwε bó kane lo ben κε. Ben etaalè bô ηκοη no Nyo' gomte. Fo ben etaalè κηηκε ken'yεε ejise yì bigew e κε. Ben εκηηκè shiee ε è nu yì lemme le.

<sup>3</sup> Fo ben envuwseè njée Nyo' yì bó nu ε γεε ben ê we jodvu κε. Ben edujçi ε è nu kenje kè jee kè yì eyenè beηene.

<sup>4</sup> Ε ben gee nonεν, é Εκολε ke Boncεynjee le ke dioo ε buynen, é ben εκηηκε kefo ke bvukuke le kè yaa ké kpwe ncom κε.

<sup>5</sup> Me ε no njemyi ten ê keghan le, ben eyuukè bocee kentaashε ke bonyii bo mbee le ntay. Wee tfuu eshiwsè εκολε kew ê waa bwee fwe sekecii. Ben ekeè le, “Κε Nyo' ké no tomte wee wvù bensee ye κε. Wvù ké no tomte ε è nu wvù shiwse εκολε kew bô mbuwma we.”

<sup>6</sup> Ben emum eshike bikuu binεν ενù ê mvuηgay mvu Nyo' le kuse, é kefew ke dioo ε kocεν, é wvù ebense ben.

---

**5:1** 1:21    **5:2** Jon 21:15-17; Lem 20:28; 1Tim 6:5    **5:3** 2Kol 1:24; Fili 3:17; Tay 2:7    **5:4** 1Kol 9:24-25; 1Bi 1:4    **5:5** Bηgn 3:34; 29:23; Εfe 5:21; Jem 4:6    **5:6** Jem 4:10

<sup>7</sup> Ben egεε mwεεm mvunciim mvù jewsee ben can ye le, njefo wvù kεηke shiee wene.

<sup>8</sup> Ben ekemsenè bô bikuu binεn, ejinyì ntay njefo wee wene bvuban wvù dεwle ghane wεεntene diεwε bvule wvù fεwte le, gomte wee keenjele.

<sup>9</sup> Ben ebon ηαη bô wvù, lese kε ε è nu fitele yî Nyo' le é fí etεme, ekumyì le boom bo bwee wene le yεne kε tεn ηγεw nonεn won tfeu.

<sup>10</sup> Nγεw wvun nu kε yî kefew e caan, é Nyo' emum ekase eseyse mwεεm é mvù ejonη fô ben e, enya ben bô mvunηay, ege é ben eciim ntay. Nyo' nu wvù nyaa mbuwma tfeu ê bonyii. Wvù nu ε tee ben keeley bvukukε bwew bvù mεy lo le nje ben nu bonyii bo Klistu le.

<sup>11</sup> Mvunηay mvunciim nu ε è kεηke wvù sekecii sε ηka. Fí enù nonεn.

### *Ngayma*

<sup>12</sup> Me nsanη fηwa' fin fô ben e ε è fici Silas \* me wvù nu waa bwee wesebeene. No me n'yεne nu ε wvù nu wee wvù è nulo é wee egεε bvufee yî ye le. Me nsanη keentefe ben, embvuu enje é ben ekiεε le fiεε ficii fi me nsanη dunçi keceεy ke ekumε mbuwma Nyo'. Ben eleemè yî dvù le temyi ntay.

<sup>13</sup> Kentaashε ke boom bo bwee wesebeene le ke Babilon kè Nyo' nu ε caw gayte ben e. Mak wvù waa wεm yî mbee le gayte tεn ben e.

<sup>14</sup> Ben egaynεn bikuu binεn e, enoεε yî kenηonεn e. Kembonεn enù fô ben e bocii bô nu ε taashε bô bo Klistu.

**5:7** Mben 55:22; Mat 6:25-30; Fili 4:6      **5:8** Mben 22:13; 1Tes 5:5-8

**5:9** Efe 6:11-12; Jem 4:7      **5:10** 1Tes 2:12      **5:12** 1Tes 1:1      \* **5:12**  
Diee din nu tεn le «Silvanus.»      **5:13** Flm 24      **5:14** Lum 16:16; 2Kol 13:11



**Nwa' Nyo' Monkan mo Monfem  
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Noone

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
5b12a3f8-7a2a-5b6f-b1da-1bf94b13fc2e